



SHOQATA E BANKAVE TË KOSOVËS
KOSOVO BANKING ASSOCIATION



PUBLIKIM MUJOR

NUMRI 11 / NËNTOR 2014

VËSHTRIM PERIODIK MBI SEKTORIN FINANCIAR TË KOSOVËS



VËSHTRIM PERIODIK MBI SEKTORIN FINANCIAR TË KOSOVËS

PËRGATITUR NGA:

PETRIT BALIJA,
Drejtor Ekzekutiv

KRESHNIK KOSUMI,
Zyrtar për Politika dhe Statistika
Shoqata e Bankave të Kosovës

DATA E PUBLIKIMIT,
30 dhjetor 2014



SHOQATA E BANKAVE TË KOSOVËS
KOSOVO BANKING ASSOCIATION

Bajram Kelmendi nr.15,

Prishtinë, 10 000,

Republika e Kosovës

Tel. +381 38 246 171

email: contact@bankassoc-kos.com

www.bankassoc-kos.com

PËRMBAJTJA

PJESA I

**NUMRI I BANKAVE DHE
I TË PUNËSUARVE NË
INDUSTRINË BANKARE**

Faqe 1

**DEPOZITAT NË RAPORT
ME KREDITË E INDUSTRIË
BANKARE**

Faqe 2

*DEPOZITAT E EKONOMIVE
FAMILJARE NË RAPORT ME
GJITHSEJ DEPOZITAT*

Faqe 2

*KREDITË PËR EKONOMITË
FAMILJARE DHE KREDITË SIPAS
SEKTORËVE EKONOMIK NË
RAPORT ME GJITHSEJ KREDITË*

Faqe 5

PJESA II

**LAJME NGA INDUSTRIA
BANKARE**

Faqe 7

PJESA I

- NUMRI I BANKAVE TË NIVELIT TË DYTË DHE NUMRI I TË PUNËSUARVE NË INDUSTRIJË BANKARE NË KOSOVË

- DEPOZITAT NË RAPORT ME KREDITË E INDUSTRIJË BANKARE

- *Depozitat e ekonomive familjare në raport me gjithsej depozitat*

- *Kreditë për ekonomitë familjare dhe kreditë sipas sektorëve ekonomik në raport me gjithsej kreditë*

NUMRI I BANKAVE DHE I TË PUNËSUARVE NË INDUSTRIJË BANKARE NË KOSOVË



Industria bankare në Kosovë që nga viti 2001 dhe deri në këtë periudhë, vazhdimisht ka shënuar rritje në pothuajse të gjitha vlerat e saj, gjë që tregon se industria bankare ka themeluar baza të shëndosha të funksionimit duke ofruar siguri dhe besim tek klientët. Industria bankare vazhdimisht ka kontribuar në zhvillimin ekonomik të vendit përmes procesit të huadhënies duke qenë profitabil dhe me një portfolio të shëndoshë, gjë që ka bërë që edhe numri i bankave që funksionojnë në treg të rritet.

Numri i bankave të cilat kanë hyrë në treg në industrinë bankare të Kosovës është rritur në vazhdimësi. Në vijim të kësaj mund të gjeni tabelën numër 1 e cila tregon numrin e bankave të cilat kanë licensën e operimit të marrë nga Banka Qendrore e Republikës së Kosovës si dhe numrin e të punësuarve në këtë industri.

| Industria bankare në Kosovë | | | | | |
|-----------------------------|-------|-------|-------|-------|-------|
| Përshkrimi | 2010 | 2011 | 2012 | 2013 | 2014 |
| Numri i bankave | 8 | 8 | 8 | 9 | 10 |
| Numri i të punësuarve | 3,610 | 3,728 | 3,727 | 3,549 | 3,510 |

Tab. 1 | Burimi: BQK – Rrjeti i KTD-ve dhe numri i të punësuarve (22 dhjetor 2014)

Deri në tetor të vitit 2014 nga Banka Qendrore e Kosovës janë të licensuara gjithsej dhjetë banka, përderisa numri i të punësuarve në këtë industri ka shënuar 3,510 punëtorë. Sa i përket numrit të të punësuarve nga tabela e prezantuar mund të shohim se ky numër në vitin që e lëmë pas (2013), por edhe gjate këtij viti ka shënuar një rënie të lehtë. Një nga arsyet e mundshme për këtë ulje të lehtë të numrit të të punësuarve në këtë industri ka të bëjë me faktin se sektori bankar ka punuar në vazhdimësi të rritë efqencën duke implementuar teknologji të reja dhe duke shfrytëzuar mundësitë e zhvendosjes së disa operacioneve jashtë organizatës apo siç njihet në termat e biznesit “outsourcing”, ku kompani të specializuara i kryejnë disa nga operacionet bankare sidomos të mirëmbajtjes së teknologjisë dhe aseteve tjera e që ndikonë në uljen e kostove operacionale por shpeshherë përcjellat edhe me reduktime në staf.

Kjo strategji e industrisë bankare është edhe në përputhje me strategjinë kombëtare të hartuar nga Banka Qendrore e Kosovës për reduktimin e përdorimit të paras së gatshme dhe rritjen e efqencës në banka për të mundësuar shërbime me kosto më të ulët dhe për të reduktuar ekonominë jo informale përmes implementimit të shërbimeve elektronike bankare.

Një arsye tjetër pse numri i punëtorëve nuk është rritur në proporcion me rritjen e numrit të bankave në tregun e Kosovës, është fakti që dy bankat e fundit ende gjenden në fazat e hershme të hyrjes në treg, prandaj nuk kanë një numër të madh të të punësuarve, por pritet që me zgjerimin e tyre në tregun e Kosovës të ketë edhe rritje të stafit.

DEPOZITAT NË RAPORT ME KREDITË E INDUSTRIJË BANKARE

Depozitat dhe kreditë e industrisë bankare në Kosovë kanë shënuar rritje të vazhdueshme, duke mos shënuar asnjë vit të vetëm me rritje negative. Kjo mund të shihet nga të dhënat e paraqitura në tabelën nr.2, me ç'rast nga viti 2010 dhe deri në fund të muajit tetor 2014 të dy këto të dhëna kanë shënuar rritje të vazhdueshme megjithëse vërehet se ka ngadalësim të rritjes në vazhdimësi.

| Kreditë dhe depozitat e industrisë bankare | | | | | |
|--|---------|---------|---------|---------|---------|
| Milionë euro* | | | | | |
| Përshkrimi | 2010 | 2011 | 2012 | 2013 | 2014 |
| Kredi | 1,458.7 | 1,698.1 | 1,763.4 | 1,805.8 | 1,854.0 |
| Depozita | 1,936.8 | 2,104.0 | 2,279.1 | 2,449.0 | 2,514.0 |
| Raporti kredi-depozita | 75.3% | 80.7% | 77.4% | 73.7% | 73.7% |
| Rritja e kredive | 13.2% | 16.4% | 3.8% | 2.4% | 2.7% |
| Rritja e depozitave | 11.0% | 8.6% | 8.3% | 7.5% | 2.7% |

Tab. 2 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)

Në fund të muajit tetor 2014 vlera totale e gjithsej depozitave ka arritur në 2,514 milionë euro, përderisa kreditë në 1,854 milionë euro. Raporti ndërmjet kredive dhe depozitave është në 73.7%, që nënkupton se bankat kanë arritur të ruajnë likuiditetin e tyre për të qenë në gjendje që të mbulojnë detyrimet e tyre në çdo kohë, megjithëse ky likuiditet mund të konsiderohet se është më i lartë se sa është i dëshirueshëm nga vet institucionet bankare.




Fig. 1 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)




Fig. 2 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)

Nga figura nr.1 mund të shihet trendi pozitiv i rritjes simultane të depozitave dhe kredive. Ky trend pozitiv i rritjes mund të shihet edhe në figurën nr.2 i cili tregon në përqindje prej vitit në vit këtë rritje.

Edhe pse rritja e depozitave dhe kredive është pozitive, megjithatë trendi i rritjes mund të vërehet që në vitet e fundit ka pësuar ngadalësim. Në tetor 2014 rritja për kredi dhe depozita ishte 2.7%, gjë që rezultoi në rritje më të madhe për kredi në krahasim me vitin 2013 (2.4%), mirëpo rritje më të ulët për depozita se sa në vitin 2013 (7.5%). Përmes këtij trendi mund të kuptohet se industria bankare vazhdon të jetë e qëndrueshme financiarisht, përderisa dy komponentet kryesore të saj vazhdojnë të shënojnë vlera pozitive të rritjes.

DEPOZITAT E EKONOMIVE FAMILJARE NË RAPORT ME GJITHSEJ DEPOZITAT

Burim kryesor i të hyrave për industrinë bankare në Kosovë vazhdojnë të jenë depozitat e ekonomive familjare. Kjo mund të shihet nga tabela nr.3, ku në tetor të vitit 2014 depozitat familjare përbëjnë 68.7% të gjithsej depozitave të industrisë bankare.

| Depozitat e ekonomive familjare në raport me gjithsej depozita | | | | | |
|--|---------|---------|---------|---------|---------|
| Milionë euro* | | | | | |
| Përshkrimi | 2010 | 2011 | 2012 | 2013 | 2014 |
| Depozita bruto | 1,936.8 | 2,104.0 | 2,104.0 | 2,449.0 | 2,514.0 |
| Depozitat e ekonomive familjare (DEF) | 1,206.1 | 1,373.4 | 1,535.4 | 1,658.7 | 1,726.9 |
| Përqindja e DEF-ve | 62.3% | 65.3% | 73.0% | 67.7% | 68.7% |
| Rritja e DEF-ve | 27.1% | 13.9% | 11.8% | 8.0% | 4.1% |

Tab. 3 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)

Ashtu sikurse rritja e vazhdueshme e gjithsej depozitave edhe depozitat e ekonomive familjare kanë shënuar rritje ndër vite. Megjithatë, edhe pse rritja e depozitave për ekonomitë familjare është pozitive, trendi i rritjes është në ulje. Kjo mund të shihet nga trendi i paraqitur në figurën nr.3.




Fig.3 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)

KREDITË PËR EKONOMITË FAMILJARE DHE KREDITË SIPAS SEKTORËVE EKONOMIK NË RAPORT ME GJITHSEJ KREDITË

Kreditë e gjeneruara për ekonomitë familjare përbëjnë një pjesë të rëndësishme të portfolios së industrisë bankare në aktivitetin e saj të huadhënies. Në tetor të 2014 industria bankare për ekonomitë familjare ka lëshuar gjithsej 603.1 milionë euro. Kjo vlerë paraqet 32.5% të gjithsej kredive të gjeneruara nga sektori bankar. Siç shihet në tabelën nr. 4, vlerat e kredive të gjeneruara për ekonomitë familjare kanë shënuar rritje të vazhdueshme paralelisht me rritjen e kredive bruto të gjeneruara, meqenëse përqindja e pjesëmarrjes së kredive për ekonomitë familjare në raport me bruto kreditë e gjeneruara është afërsisht e njëjtë nëpër vite duke shënuar një ngritje të lehtë viteve të fundit.

| Kreditë në raport me kreditë familjare | | | | | |
|--|---------|---------|---------|---------|---------|
| Milionë euro* | | | | | |
| Përshkrimi | 2010 | 2011 | 2012 | 2013 | 2014 |
| Kreditë bruto | 1,458.7 | 1,698.1 | 1,763.4 | 1,805.8 | 1,854.0 |
| Kreditë e ekonomive familjare (KEF) | 434.2 | 510.9 | 542.6 | 563.9 | 603.1 |
| Përqindja e KEF-ve | 29.8% | 30.1% | 30.8% | 31.2% | 32.5% |
| Rritja e KEF-ve | 26.4% | 17.7% | 6.2% | 3.9% | 7.0% |

Tab. 4 | Burimi: BQK – Bilanci i Gjendjes së Korporatave Tjera Depozituese (22 dhjetor 2014)

Kreditë e gjeneruara për ekonomitë familjare në tetor 2014 janë rritur për 7% në raport me fundin e vitit 2013, që paraqet një trend më të mirë se sa në dy vitet e fundit kur kreditë për ekonomitë familjare ishin rritur për 6.2% (2012) apo për 3.9% (2013). Ky trend pozitiv i rritjes më të madhe në vitin 2014 në raport me dy vitet e kaluara mund të vërehet edhe nga figura nr. 4 e paraqitur.




Fig.4 | Burimi: BQK - Bilanci i Gjendjes së Korporatave Tjera Depozituese (22 dhjetor 2014)

Krahas kredive të gjeneruara për ekonomitë familjare, pjesën më të rëndësishme të portfolios kreditore të industrisë bankare e përbëjnë kreditë e gjeneruara për ndërmarrjet private apo thënë më saktësisht për sektorët ekonomik të Kosovës. Në tabelën nr. 5 mund të shohim gjithsej vlerat e kredive të gjeneruara sipas sektorëve ekonomik. Në tetor 2014 vlera totale e kredive të gjeneruara për sektorët ekonomikë ka arritur në 1,246.3 milionë euro, përdërisa pjesën më të madhe të këtyre kredive e përbëjnë kreditë e gjeneruara për shërbime me 902.8 milionë euro.

| Kreditë sipas sektorëve ekonomik | | | | | |
|---|---------|---------|---------|---------|---------|
| Milionë euro* | | | | | |
| Përshkrimi | 2010 | 2011 | 2012 | 2013 | 2014 |
| Bujqësia | 38.2 | 40.5 | 43.6 | 45.8 | 48.2 |
| Industria, energjetika dhe ndërtimoria | 269.3 | 284.7 | 290.4 | 291.4 | 295.3 |
| Shërbimet | 715.3 | 824.4 | 860.2 | 880.2 | 902.8 |
| Gjithsej kreditë sipas sektorëve ekonomik | 1,022.8 | 1,149.5 | 1,194.2 | 1,217.4 | 1,246.3 |

Tab. 5 | Burimi: BQK – Kreditë e KTD-ve sipas sektorëve ekonomik (22 dhjetor 2014)

Kreditë e gjeneruara për sektorët ekonomik të shërbimeve përfshijnë tregtinë me shumicë dhe pakicë, hotelet dhe restorantet si dhe shërbime të tjera të ndërlidhura. Ndërkohë që pjesën tjetër të kredive e përbëjnë kreditë e gjeneruara për industri, energjetikë dhe ndërtimtari me 295.3 milionë euro si dhe kredi për bujqësi me 48.2 milionë euro.

| Përqindja e pjesëmarrjes në raport me kreditë sipas sektorëve ekonomik | | | | | |
|--|-------|-------|-------|-------|-------|
| Përshkrimi | 2010 | 2011 | 2012 | 2013 | 2014 |
| Bujqësia | 3.7% | 3.5% | 3.7% | 3.8% | 3.9% |
| Industria, energjetika dhe ndërtimoria | 26.3% | 24.8% | 24.3% | 23.9% | 23.7% |
| Shërbimet | 69.9% | 71.7% | 72.0% | 72.3% | 72.4% |

Tab. 6 | Burimi: BQK - Kreditë e KTD-ve sipas sektorëve ekonomik (22 dhjetor 2014)




Fig.5 | Burimi: BQK - Kreditë e KTD-ve sipas sektorëve ekonomik (22 dhjetor 2014)

Në bazë të tabelës nr.6 dhe figurës nr.5 të paraqitur mund të shohim se në tetor 2014, 72.4% e gjithsej kredive të gjeneruara për sektorët ekonomik e përbëjnë kreditë e gjeneruara për shërbime, përderisa 23.7% e përbëjnë kreditë për industri, energjetikë dhe ndërtimtari dhe 3.9% e përbëjnë kreditë e gjeneruara për bujqësi.

Kreditë për shërbime prej vitit 2010 kanë shënuar rritje të lehtë, përderisa kreditë për industri, energjetikë dhe ndërtimtari kanë shënuar ulje të lehtë. Ngritje të vogël në përqindje kanë shënuar gjithashtu edhe kreditë bujqësore.

REFERENCAT

- Banka Qendrore e Republikës së Kosovës, Bilanci i Gjendjes së Korporatave tjera Depozituese, 22 dhjetor 2014, <http://bqk-kos.org/?id=55>;
- Banka Qendrore e Republikës së Kosovës, Kreditë e Korporatave Tjera Depozituese sipas Aktivitetit Ekonomik, 22 dhjetor 2014, <http://bqk-kos.org/?id=55>;
- Banka Qendrore e Republikës së Kosovës, Rrjeti i Korporatave tjera Depozituese dhe Numri i të Punësuarve, 22 dhjetor 2014, <http://bqk-kos.org/?id=55>;

PJESA II

- LAJME NGA INDUSTRIA BANKARE QË SHËNUAN MUAJIN NËNTOR

LAJME NGA INDUSTRIJA BANKARE QË SHËNUAN MUAJIN NËNTOR

SWIFT-KODI PARANDALON PASTRIMIN E PARAVE



Marrja e Swift-kodit bankar në vitin 2013 dhe e ibanit në vitin që vjen do të ndihmojë bankat në luftën kundër pastrimit të parave. Zëdhënësi i BQK-së, Besnik Kada, tha për "Kosova Sot" se swift-kodet e institucioneve financiare të Kosovës me identifikim unik shtetëror janë efektive nga dhjetori 2013. Drejtori i Shoqatës së Bankave të Kosovës, Petrit Balija, ka thënë për gazetën "Kosova Sot" se e drejta për të përdorur kodin shtetëror të swift-it, përveç që l bën transferet më të shpejta dhe me kosto më të ulët, ka implikimet e veta edhe në sigurinë e këtyre transfereve, duke l bërë ato më të sigurta. Sipas tij, formatizimi l xhirolllogarive bankare me iban ndikon në reduktimin e gabimeve në transfere

dhe ndikon po ashtu në ngritjen e sigurisë së transfereve. Balija tha se në të njëjtën kohë këto avancime në transfere ndërkombëtare lehtësojnë edhe punën e agjencive shtetërore që merren me hetimin dhe luftimin e pastrimit të parave, pasi që e bëjnë më lehtë dhe më të saktë përcjelljen e lëvizjeve të parasë nga Kosova për në vendet e tjera dhe anasjelltas. (Kosova Sot, 3 nëntor 2014).

KRIZA POLITIKE REFLEKTOHET NË SISTEMIN BANKAR



Kriza politike në vend ka filluar të reflektohet edhe në sistemin e bankave të vendit, ku këto të fundit kanë filluar t'i frikësohen lëkundjeve të mundshme, për shkak të problemeve në të cilat po kalon vendi. Shoqata e Bankave dhe bankat konfirmojnë se ka pasur raste kur projekte të caktuara janë shtyrë në mungesë të mjeteve.

Petrit Balija, drejtor ekzekutiv në Shoqatën e Bankave të Kosovës, ka thënë për gazetën "Zëri", se kriza politike dhe institucionale ka filluar të ndikojë negativisht te bizneset kosovare dhe shenjat e para kanë filluar të shfaqen. Sipas tij, një numër i madh i bizneseve

në Kosovë, që janë të varura nga punët, shërbimet dhe furnizimet që i kryejnë për sektorin publik, po kanë probleme të likuiditetit. "Kjo sigurisht që ndikon negativisht edhe në portfolion kreditor të bankave dhe mund të ndikojë në rënien e kërkesës për kredi, si dhe rritjen e kredive joperformuese", ka thënë Balija. Gjithashtu, ai ka thënë se është edhe efekti zinxhiror apo domino, l cili pastaj po shpërndahet në tërë sektorin privat që ka ndikuar. Por, ai thotë se bankat komerciale në Kosovë l kanë marrë parasysh këta faktorë të riskut dhe janë duke qëndruar mirë në të gjithë indikatorët e tyre të nevojshëm për të qenë stabil.

Balija ka përmendur me radhë edhe disa probleme të tjera të cilat po ndikojnë negativisht në performancën e sistemit bankar. "Kam potencuar vazhdimisht se reforma në gjyqësor dhe në zbatimin e kontrtave është e domosdoshme për të ulur riskun kreditor në Kosovë", ka thënë ai. Edhe Iliriana Tahiraj, zyrtare për media dhe marrëdhënie me publikun në bankën "Raiffeisen", ka konfirmuar se edhe në këtë bankë ka reflektuar kriza politike dhe ajo financiare shtetërore. Gjithashtu nga ProCredit thuhet se nëse vazhdohet edhe më tutje me këtë vakuum institucional, atëherë kjo situatë do të rezultojë me ndikime të drejtpërdrejta negative në zhvillimin e sektorit bankar. (Zëri, Telegrafi, 6 nëntor 2014)

SHOQATA E BANKAVE TË KOSOVËS NËNSHKRUAN MEMORANDUM MIRËKUPTIMI ME SHSK DHE GIZ



Në kuadër të Forumit të Pronës në Kosovë me temë Tregu i Pronës dhe Financimit të Pronës në Kosovë drejt standardeve Europiane - çelës për zhvillim dhe progres të organizuar nga GIZ dhe BQK, Shoqata e Bankave të Kosovës ka nënshkruar memorandum mirëkuptimi me Shoqatën e Sigurimeve të Kosovës dhe GIZ. Kontrata është nënshkruar nga z. Petrit Balijs (SHBK), z. Adem Selmani (SHSK) dhe z. Guenther Fehlinger (GIZ). Drejtori i Shoqatës së Bankave të Kosovës z. Balijs tha "Një prej investimeve më të rëndësishme për qytetarët e Kosovës është blerja e pronës për banim. Njëkohësisht edhe për industrinë bankare kreditë hipotekare për banim përbëjnë një prej produkteve kryesore për zhvillimin e sektorit.

Në këtë drejtim bankat komerciale të Kosovës përmes Shoqatës së Bankave të Kosovës, kanë bashkëpunuar me BQK dhe këshilltarët e Thesarit Amerikan për të përgatitur Rregulloren për Financimin e Banimit në Kosovë e cila do të rregullojë tregun e financimit të pronave rezidenciale në Kosovë. Kjo rregullore parasheh masa mbrojtëse për klientët e bankave por edhe mundësi zhvillimi për industrinë bankare. Në këtë kontekst një rol të rëndësishëm do të kenë edhe kompanitë e sigurimeve në Kosovë të cilat do të bëjnë sigurimin e këtyre pronave dhe kështu duke ulur riskun edhe për pronaret por edhe për bankat. (Agjencia e lajmeve *Ekonomia*, *Infodirekt.tv*, 7 nëntor 2014)

HAMZA: SEKTORI FINANCIAR I QËNDRUESHËM



Guvernatori i Bankes Qendrore te Republikes se Kosoves, Bedri Hamza, priti Jorg Asmussen, Sekretar i perhershem i Shtetit ne Ministrine Federale Gjermane te Punes dhe Ceshtjeve Sociale, te shoqeruar nga Matthias Kiesler, zevendes i shefit te Misionit te Ambasadese Gjermanise dhe Shef i Departamentit Ekonomik te ambasadese gjermane. Guvernatori Hamza i informoi mysafiret e tij ne lidhje me zhvillimet e fundit ne sektorin financiar ne Kosove, duke nenvizuar qendrueshmerine dhe performansen pozitive te sektorit bankar ne pergjithesi. Hamza theksoi se perpjekjet e BQK-se per te adoptuar standardet me te larta nderkombetare ne perputhje me Marreveshjet e Bazellit dhe Direktivat e BE-se ne fushen e rregullatives dhe mbikeqyrjes bankare. Ne kete kontekst, Guvernatori Hamza shprehu

mirenjohjen e tij per mbeshtetjen e cmuar qe BQK-se i kane dhene Qeveria Gjermane dhe taksapaguesit gjermane ne pergjithesi, nepermes asistences teknike te implementuar nga GIZ, qe synon permiresimin e operacioneve te BQK-se dhe rritjen e kapaciteteve teknike dhe njerezore te stafit te BQK-se. (*Tribuna*, 26 nëntor 2014)

INFLACIONI, KËRCËNIMI I RADHËS



Presidenti i Bankës Qendrore Europiane, Mario Draghi, deklaroi javën e kaluar se është i gatshëm të blejë borxhin e vendeve anëtare.

Të dhënat që do të publikohen këtë javë, do të japin një panoramë më të qartë se sa i rrezikshëm është inflacioni në ekonominë 13 trilionë euro të Eurozonës. Një Europë e ngadaltë e ka penguar të gjithë ekonominë globale gjatë viteve të fundit, ndërsa tani po kontribuon në mënyrë të konsiderueshme në rënien e inflacionit në të gjithë botën.

Sipas një sondazhi të realizuar nga Reuters, analistët mendojnë se inflacioni për Nëntorin do të ulet në 0.3 për qind, shumë larg objektivit prej 2 për qind të BQE.

Pavarësisht normave të interesit pranë zeros në ekonominë më të mëdha të globit dhe pavarësisht se me trilionë dollarë janë hedhur në treg nga bankat qendrore, kambanat e alarmit po bien sërish për të gjithë globin. (Zëri dhe Telegrafi, 25 nëntor 2014)



SHOQATA E BANKAVE TË KOSOVËS
KOSOVO BANKING ASSOCIATION

Bajram Kelmendi nr. 15, Prishtinë, 10 000, Republika e Kosovë

Tel. +381 38 246 171

email: contact@bankassoc-kos.com

www.bankassoc-kos.com